



Tir Yimyim

www.tiryimyim.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma :

f Tir Yimyim

Instagram tiryimyim@aolima

YouTube tir yimyim

TAPAK 8

Ukraine dangi sepai yokra nuclear war tenzüksü: Putin

Ind vs Eng: Test 5buba nung KL Rahul masayatsü

VOL. XXI ISSUE NO. 138 (ADOK 138) DIMAPUR ROGONÜ (FRIDAY) METSÜREMI (MARCH) 01, 2024 ₹ 5.00

CNLF-i Chief Minister ajuru



Dimapur, Tsüklai/February 29 (TYO): Central Nagaland Legislator's Forum (CNLF) ajanga February 28, 2024 nü Nagaland Chief Minister Neiphiu Rio den par kidang ajurutepa liasü. Iba senden nung Nagaland tiyonglen aliba district asem -

Mokokchung, Wokha aser Zunheboto - nung terenlok maparen aser resources shidak lemsatsü indang jembia liasü. CNLF-ia sorkar maparen ajak nung Chief Minister den akokba tashinung yaritsü aser amalitep akatsü shia liasü.

2024-29 atema Naga Hoho

Dimapur, Tsüklai/February 29 (TYO): Taoba kümsük tembangba sülen Naga Hoho indang executive council tasenba shimogo.

Tang Naga Hoho kümsük tasenba nung tir ya Sulanthang Lotha alitsü, koba February 29, 2024 nü SM Sha complex hall Rikhumai Taphou, Senapati nung Naga Hoho lokti senden nung shima liasü.

Team tasenba nungya tongti zülur Atoho K Kiho (Nagaland nungi Sumi kin), tatong tir RD David Boyes (Manipur nungi Anal kin) tanabuba tatong tir menden tazüing central Nagaland asoshi wazüka yutsü.

Komral Longphi (Arunachal Pradesh nungi Tangsa kin) ya secretaro aser secretary menden

ketdangsür tasen shimogo tanabuba ya central Nagaland asoshi tazüing yutsü.

Nagaland kübok Sumi kin nungi Vikugha Pucho ya secretary Finance, Manipur nung Poumai kin nungi S.P. Raili ya secretary Information & Publicity, N.C. Hills, Assam nung Zeme kin nungi Pauheu Newme ya speaker, David Rengma (N. Rengma Assam state) ya Customary Affairs secretary aser deputy speaker menden tazüing lir.

Naga Hoho lokti senden nungya United Naga Council züingsemtem, Naga People's Organization (NPO) aser Assam, Arunachal, Nagaland, Manipur aser dangalen nungi nisung noklang dak tema arua dena liasü.

Advisor Mannen-i Naga nunger dang arütsü kumzuka ayutsü ayongzük

Kohima, Tsüklai/February 29 (TYO): Tanü Advisor, Law & Justice and Land Revenue, T N Mannen-i Nagaland sorkar aser Naga nunger dang Assam-Nagaland arütsü nung Naga nunger li kumzuka ayutsü asoshi saker külemi inyaksü ayongzük.

February 8 nü Assam Assembly nung Assam Minister Atul Bora-i jembiba langzua pai Zero Hour mapang iba tayongzükba ya agütsü.

Nagaland-i Assam nunger lir hectares 60,000 tashiyim amshia rakzükogo ta Bora-i tai tongloksüba ya meshidak aser item ya kanga junga benteta ayutsü tim, ta Mannen-i NLA nung ashi.

Yamai tai tongloksüba ya khenyongi tiaziü aser Assam-iang ozüing alema Naga nunger li agir, ta pai ashi.

British nungeri agizükta Naga nunger aser Ahom nunger tsüingta arütsü indang tejen otsü kakteta jembidang, Naga nunger li ozüing alema Assam nem

agütsü, ta Advisor Mannen-i ashi. 1890s amapang reserve forest 32 tashi Assam nem agütsü aser item rongnung ter Disturbed Area Belt nung lir ta pai ashi.

Rongsenketzüing tsütsü Naga nunger tarutsü tia ya Foothill area nung keta lir, kechiaser yangji totzü aser ali rongsen aser arem peria lir ta pai ashi.

Naga nungeri Assam li rakzükba otsü mali saka parnoki ang rakzük, anungji yamai jembiba atema sorkari langka bo ashitsüla, ta pai jungshi.

Asen li wazüka ayutsü atema Naga nunger ajungai temulung agütsütsüla, kechiaser asen tarutsü tia yangji lir, ta ashi.

Assam-i asen li achir aser asenok lungjemer aji wazüka ayutsü asoshi lenmang bushitsüla, ta pai ashi.

Mangatettep aliba bentettsü asoshi sorkari Assam Chief Minister Himanta Biswa Sarma den ajuruteptsüla, ta Mannen-i ashi.

(Maneni tapak 2 nung...)

NLA nung sen crore 3308 jenjang Bill agizük, Public Debt Act agien

Kohima, Tsüklai/February 29 (TYO): Brehostibarnü Nagaland Legislative Assembly nung voice vote ajanga Nagaland Appropriation (No.1) Bill, 2024 agizüka liasü.

Supplementary Demand for Grants for the year 2023-2024 dak sendakba Bill ya Chief Minister Neiphiu Rio-i benoka liasü, shibai Finance portfolio bena lir.

Iba Bill yagi March 31, 2024 tashi services atema Consolidated Fund of the State of Nagaland nungi sen 3308,90,27,000 agütsütsü state sorkar dang melar.

Kasa anogo Nagaland Legislative Assembly nung The Public Debt Act, 1944 agien aser Government Securities Act, 2006 yanglushia liasü.

Chief Minister Neiphiu Rio-i

benokba sorkar pangzüing ka agizüka iba Act ya yanglushia liasü.

Iba pangzüing benokdang, Government Securities indang inyakyim aziokba The Public Debt Act, 1944 ya pre-Constitutional Act ka lir aser Act tasenba, The Government Securities Act, 2006 amshiba ajanga iba Act tejenba ya meniungdak kumogo, ta CM Rio-i ashi.

MLA tem itasen timba akumtsü Bill agizükogo

Kohima, Tsüklai/February 29 (TYO): Tanü Nagaland Legislative Assembly nung bill ana agizükogo aser itemji legislator tem indang itasen, allowances aser pension timba akumtsü aser Goods and Services Tax indang lir.

Bill ana ya The Nagaland Salaries, Allowances & other Facilities of the Chief Minister, Speaker, Deputy Chief Minister/Ministers, Leader of Opposition, Deputy Speaker and other Members of the Nagaland Legislative Assembly and Pension for Ex-Members (Sixth

Amendment) Bill, 2024 aser The Nagaland Goods and Services Tax (Seventh Amendment) Bill, 2023 alitsü.

Minister, Parliamentary Affairs, K G Kenye-i iba Bill ya February 27 nü benoka liasü aser Assembly nung Brehostibarnü jembir agizüka liasü.

Kenye-i iba Bill benokdang, Bill indang Section 8 aser NLA indang House Committee ajanga ashiba ama itasen melenshitsu koka lir, ta ashi.

Chief Minister Neiphiu Rio, shibai Finance portfolio bena lir, pai "The Nagaland Goods and

Services Tax (Eighth Amendment) Bill, 2023" benoka liasü aser tanü jembir.

GST ya July 1, 2017 nungi mapa kuma amshia aser inyaka arur aser yangji Central Goods and Services Tax (CGST) aser State Goods and Services Tax (SGST) lir ta pai ashi.

Nagaland Goods and Services Tax (Eighth Amendment) Bill, 2023 yagi Nagaland Goods and Services Tax Act, 2017 ya tajungba aser trade friendly alitsü, ta Rio-i ashi aser züingsem ajungai mulunga Bill ya agizüka ayu.

Tanü NLA nung FMR indang pangzüing renemtsü

Kohima, Tsüklai/February 29 (TYO): India aser Myanmar tsüingta arütsü atsüdanga linük ana tsüingta Free Movement Regime (FMR) tembangtsü Centre-i telemteba agiba anema pangzüing ka yanglutsü Nagaland Legislative Assembly nung züingsem 60 prongi mulungtepogo.

Assembly nung NPF MLA Kuzholuzo Nienu-i animesor FMR indang 'matter of urgent public importance' ama jembiba sülen iba telemteba ya Chief Minister Neiphiu Rio-i sangdonga liasü.

Brehostibarnü iba ken o jembidang Deputy Chief Ministers T R Zeliang aser Y Patton nungeria shilemagia liasü.

International arütsü atsüdanga FMR agienba ajanga linük ana tsüingta kilometre 215 talang arütsü nung aliba Naga nunger asoshi tebilemstü tulu adoktsü aser tensa mejungi akumtsü ta NLA züingsem temi khuret lemsatepa liasü.

Nisungi yangluba Indo-Myanmar arütsü ya Naga nungeri memulungi yanglu, ta parnoki ashi.

FMR agiena India-Myanmar arütsü atsüdangtsü telemteba agiba ajanga tang mashi angatetba aser jembiba agi sünga lir, ta Nienu-i ashi.

"Anglo-Burmese War sülen

1826 küm colonial boundaries yangluba nunga sobaliba, yimsüyimpong aser kin balala tsüingta arütsü alema oa tesendaktep aliba akumtsüboa liasü. Ajidang masü 2018 küm tang aliba BJP sorkari FMR ya tajungba kuma yanglua item arütsü ya nisungi yangluba ta agizüka Myanmar den tesendaktep tajungba akum. Anungji kodaser ibai agientsüla ta asüba ya tasüingdangtsü tulu lir, ta pai ashi.

Akhi lipokdang nungi Naga nunger ya asen Tsüingremi agütsüba li nung India aser Burma masodang nungi asen sobaliba aser yimsü amshia liyonga arua liasü, ta MLA Nienu-i ashi.

Linük anatsülen arütsülen alirtem kibong, sobaliba aser rongsenketzüing tsütsü tetenzük nungi tesendaktep tajung lir ta angateta India aser Myanmar (Burma) nati arütsü alema tribal nisungtem tenokdangba makai sadoksayima senzütettsü sentong yanglu, ta Deputy Chief Minister Y Patton-i ashi.

Centre-i 1950 nung Passport Rules yangludang India mesüra Burma (Myanmar) senso tenem nung alirtem aser anatsülen kilometre 40 telungzük nung alirtem India-i aidang passport mesüra visa medeni aittsü mela liasü.

Burma Passport Rules nunga Burma den arütsü aliba lispour aliba linük ajunga atema kasa ozüing yanglua liasü, ta ashi.

Iba tensa ya küm 20 shi lir August 1968 nung Government of India-i Myanmar arütsü alema senzütsü atema permit system tenzük, ta pai ashi.

2004 küm GoI ajanga FMR limit ya arütsü anatsülen kilometre 16 kumtsü aser May 2018 nung India aser Myanmar tsüingta Agreement on Land Border Crossing zülutepa liasü.

Linük anaprong nung alirtem oshiooben, sobaliba, sübosolemstü, yimyakoya aser ali amangyim kasa lir aser nisung karbo linük anaprong nung ali lir, ta pai ashi.

Naga nunger lemdangba arütsü ya nisungi yangluba lir aser FMR agiena arütsü atsüdangba ajanga timtem jenti adoktsü, ta Patton-i ashi.

Anungji arütsü atsüdangtsü aser FMR agientsü anema pangzüing ka renemtsü mulunger ta pai ashi.

Iba ken o bhukuma Deputy CM T R Zeliang-ia jembia liasü.

Züingsem temi süoki ia bilembatem lemsatepa sülen Chief Minister Rio-i Hokulbarnü FMR aser arütsü atsüdangtsü indang maparen nung pangzüing ka renema Central sorkar den jembitsü ta ashi.

Pharmacist orientation aser induction sentong agiogo



Dimapur, Tsüklai/February 29 (TYO): Nagaland Public Service Commission (NPSC) ajanga shimba Pharmacist mezüngbuba batch orientation den repsema parnok mapa nung aniokba sentong February 27 aser 28 nü Directorate of Health & Family Welfare, Nagaland Kohima Conference Hall nung agiogo.

Sentong nung Nagaland State Pharmacist Service Rules 2018, Pharmacy Practice Regulations 2015, Drugs Store Management, Supply Chain Management System, Record Keeping, Drugs & Vaccines Distribution and Management

System (DVDMS), National Health Mission (NHM) kübo sentong balala metetdaksüba ama onük balala ayimjema agia liasü.

Orientation sentong nung shisalen agütsürtemji KheleThorie - Deputy Director(Pharmacy & SCM), Rokokieno Linyü - Asst. Director, Pharmacy (DHFV), Thungchio Y Enny - Senior Pharmacist (DHFV), Puni Kokho - Senior Programme Manager, NHM (Planning), KiyekhuChopy - Pharmacist(Store In-charge), DHFV nunger liasü.

Sentong nung lokti pela

agizükba o Khele Thorie, Deputy Director, Pharmacy & SCM, (DHFV)-i jembi aser Director (Health) DHFV Dr. Akuo Sorhie-i tajungshi o jembia liasü.

Pharmacists tasen 60 rongnung Pharmacy nung doctor 5, Masters in Pharmacy 13, Bachelor in Pharmacy 35 aser Diploma in Pharmacy 7 liasü. Sentong agiba sülen Pharmacy Cell (DHFV)-i candidate 60 nem parnok indang appointment order agütsü aser parnok koba tesem nung mapa inyaksü ata ali iba indang metetdakja liasü.

Advisor Mannen-i Naga nunger dang arütsü... (TAPAK 1 NUNGI...)

Assam Minister Bora-i tiazü jembiba atema tatok meshitsüla, ta pai ashi.

Pai o langzua jembidang Deputy Chief Minister in-charge of Border Affairs, Y Patton-i ashiba agi, Nagaland state mangudang nungi arütsü nung mangatettep ya liasü aser ibai 1823 kum British sorkari Assam agidang Naga nunger dang nungi rakzükba arem aser danga tesem kar meyiptsütsüba ken o lir.

"Item li nung Naga nunger kibur, saka British sorkari parnok administrative aser rongsenketzüng tsütsü ajangzüktsü mechi Assam indang kidanger district tem nung inoksemtüsü," ta pai ashi.

Item arem ya tang Nagaland state arütsü nung tangloka lir, ta pai ashi.

1964 kum Nagaland State Assembly ajanga pangzüng ka agizükba nung Government of India dang state ana tsüngta arütsü lasatsü atema Boundary Commission ka shimtsü mepishia liasü, ta ashi.

Ajisüaka iba ya matalok aser tezüngzüktep balala agiaka Centre-i Assam aser Nagaland tsüngta arütsü ladangtsü atema sangdong kecha magütsü, ta Dy CM Patton-i ashi.

1972 nungi tenzuka 1985 tashinung interim Agreements tenet tashi lir aser yangji Reserve Forests nungi aser anasa nungi Armed Police Posts ajak agientsü aser post tasen kata mamenoktsü

indang shia lir, ta pai ashi.

Arem nung aliba Naga nunger memeintsüla ta item agreement tem nung shia lir.

Iba dak alia settlements tasen malitsü aser item tesemtem nung Assam Police melen neutral force yoktsü pangjem, ta pai ashi.

Ajisüaka Interim Agreements nung shia aliba ama Armed Police posts tem agientsü melen Assam-i posts tali ang amenok, ta Deputy Chief Minister-i ashi.

Interim Agreement nung aibelena Assam sorkari mangatettep aliba arütsülen totzü bushia agitetsü mela aser Disputed Area Belt indang sector ajak nung settlements tasen mela. Anungji Assam-i Interim Agreements junga mezüngshir, ta ashi.

ADGP Assam (Border) ajanga 2005 kum Standard Operating Procedure (SOP) agütsüba ya Interim Agreements nung aliba ama masü aser iba nungya tesüiba kum aika atsütepa arur saka Assam sorkari amalitep makaba ajanga tanü tashi lepa mereprangteter, ta Patton-i ashi.

State ana tsüngta British nungeri 1925 boundary line indang sangdongba ya tatem asütsü ta sangdongba ajanga Assam-i December 10, 1988 nü Supreme Court nung Union of India, Election Commission of India aser Nagaland sorkar anema ken o ka benoka liasü, ta pai ashi.



Taruba 18buba Lok Sabha Election, 2024 atema DC Conference Hall, Mokochung nung February 29 nü Enforcement Agencies atema Nodal Officers tem den Deputy Commissioner, Mokochung Thsuvise Phoji senden amenba mapang tangokba noksa nung angur.

Dimapur Aor GB Telongjem inti senden ayonger

Dimapur, Tsüklai/February 29 (TYO): Dimapur Aor GB telongjem inti senden March 2 nü 10:00 ako nungi tenzuka Lengrijan Council hall nung agütsü renema lir.

Iba sentong nung Wb. T.N manen, IAS (Retd.) Advisor Law & Justice & Land Revenue alakteta jaoker asütsü.

Iba sentong ya Tir Wb. A Taku Longkumer aser Tongti

Zülur Wb. Tensupok Jamir na lenisüba nung agütsü. Sentong nungsa amalitep o lengrijan Village council aser DUCCF tatong tir Wb. Tongzük Pongeni jembitsü. Maneni Wb. Akangkokba GB aser Wb. Ungermeren GB na lenisüba nung sobaliba ken atentsü. Iba sentong ya Wb. Onen Jamir GB-i inkup o jembir tembangtsü.

Transport department-i gari insurance indang metetdaksü

Dimapur, Tsüklai/February 29 (TYO): Transport department-i sangdong ka ajanga, Motor Vehicles Act, 1988, Section 146 kübok Sub-section (1) nung insurance policy ka medeni gari manishitsü atema latettsür aliba dak sendakba nung tetuyuba kar agütsüogo.

Motor Vehicle Act, 1988 Section 196 nung ano section 146 nung tetuyuba agütsür aliba sülen manidakra aibelener ita asem tashi tetuokdak ayutsü akok mesüra senchi sen meyrejang ka achitsü mesüra temerenshi anaprongla agi merenshitsü ta shia lir iba den kasa nisungi maneni aibelener ita trok tashi tepuokdak ayutsü akok mesüra senchi sen meyrejang pezü achitsü mesüra

temerenshi anaprongla ai merenshitsü akok.

Temalen shisema aliba section kübok provision tem ya India ajunga nung benoka inyaksangshidar aser aibelener tem pua merenshitsü atema police aser Motor Vehicle Department Enforcement Personnel tem nem gari kaket shitak aliba mali bushisüngdangtsü asoshi tetuyuba agütsür lir.

Anungji iba dak sendakba nung state sorkari Motor Vehicles Act, 1988 kübok provision tem dak ajemdaker gari ajak atema third party insurance yanglutsü nungdakba lemsatepogo aser gari kibur ajak dang temerenshi nungi jenboa alitsü atema third party insurance yanglutsü metetdaksüogo.

Gauhati High Court Kohima Bench-i online RTI portal amenokogo



Dimapur, Tsüklai/February 29 (TYO): Mapa merekmereka aser takok ngua inyakyonga aotsü atema Gauhati High Court Kohima Bench-i tongtibang jenjang ka agia parnok indang Online Right to Information (RTI) portal ka amenokogo.

Nagaland nung tang mezüngbuba iba jenjang ya agir aser iba Online RTI portal ya February 29 nü Judge Gauhati High Court aser Kohima Bench ICT In-charge Justice Devashis Baruah-i, Justice Susmita Phukan Khaund, Judge Gauhati High Court aser High Court Registry ketdangsurtem matsüngda amenokja liasü.

Iba portal amenokba temaitsü Justice Devashis Baruah-i Kohima Bench nung iba web portal ajanga mezüngbuba online, paperless e-RTI application file süa liasü.

Temetetsü kaji Right to Information Act, 2005 kübok Section 6 (1) nung osang aginürtemi electronic means ajanga application benoktsü

atema temeden agüja lir.

Online portal mamenok tsüngda RTI application tem ya tsüngtong oa agüja liasü. Gauhati High Court aser tanga Bench tem indang osang nüburtem nem züba züba agidaksütsü atema Online RTI portal ya amenokogo.

Iba web portal ajanga India lisopurtemi RTI Application aser First Appeal online ajanga file sütettsü aser taah aser Copying Charges amala online payment gateway ajanga sütettsü. Taah ya Internet Banking mesüra UPI ajanga agütsütettsü.

Online RTI portal lapoka amshitsü atema lisopurtemi Gauhati High Court Kohirna Bench indang official website nung dedicated "RTI" tab nung nema amshitettsü. Iba web portal nung user-friendly interface lir aser end-to-end paperless mode nung inyaksangshir. Online RTI facility ya tarutsü nung Nagaland kübok District Courts ajak atema lapoktsütsü.



February 29, 2024 nü Yavatmal nung Ato kilonser Narendra Modi-i terenlok project balala semzüksüdü tangokba noksa nung angur. Kasa noksa nung Maharashtra Angh Ramesh Bais aser Chief Minister Eknath Shinde nata angur.

Azü tokshiba linük kati UN sabang tim mesüi amshir: India

New Delhi, Tsüklai/February 29 (Agencies): UN Human Rights Council nung Pakistan-i Jammu & Kashmir indang jembiba sülen India-i ibaji aija, alima tesem ajaklen kiralongra ajungkettsüba linükji onoki mezüngshir, ta metetdaksü.

Geneva nung 55buba UN Human Rights Council senden nung Turkiye aser Pakistan nati jembiba sülen telangzüba agütsüdüang Permanent Mission of India to UN nung First Secretary, Anupama Singh-i, Turkiye-i India telung inyakyim dak sendakba nung jembiba oji onoki ashishir, anungji tarutsü

nungbo item ama oji ashi. Pakistan dak sendakba nung Singh-i, "Azü tokshiba linük kati jembibaji onoki mezüngshir. Parnoki alima tesem ajaklen azü tokshiba kiralongra ajungkettsür; azü tokshiba ajanga par linük sentsüh tsülöker aser sorkari nübürtem metenzüktetba ajanga par nübürtemi sorkar atema aakseta bilemtsür," ta ashi.

Pakistan maneni aija lai, India anema tiyazü nung tai tongloksütsü atema Council indang sabang tim masüba nung amshiba atema sasar, ta

Laisa, Jammu & Kashmir aser Ladakh ya India indang tongtibang shilem ka lir aser kodang pilatsü makok, aser iba region nung loktilibarongsenkettzüng tsütsü terenlok aliba den külemi sorkar yimsüsübaren tajungba akümtsü atema sorkari telemtetba agibatemi linük telung inyakyim lir, ta metetdaksü.

Singh-isa Pakistan nung meimchir temeden atema inyakba record majungba aser nütsüng ajema alirtem reshikangshiba osang metetdaksü.

Himachal Pradesh nung Sukhu maneni Chief Minister asütsü

New Delhi, February 29 (Agencies): Brihostibarnü Congress party-i, Sukhwinder Singh Sukhu maneni Himachal Pradesh nung chief minister inyaksü, ta metetdaksü.

Congress-isa, party observer temi MLA ajak ajurua jembiba sülen mangatetep ajak bentetadokogo, ta metetdaksü.

Himachal Pradesh nung Congress sorkar chireptsüsa anokshi tenzükba sülen party-i Karnataka Deputy Chief Minister, DK Shivakumar observer shima liasü.

Osangbenertem den jembidang Shivakumar-i, ajak jungadokogo aser party sorkari kümsük küm pongu abensaa inyaksü, ta ashi.

Pradesh nung Congress lenir ana- Vikramaditya Singh aser Pratibha Singh na ajuruba sülen Shivakumar-i, "Ajak jungadokogo. Iba sorkar ya küm pongu abensaa inyaksü, mangatetep ajak bentetadokogo. Onoki MLA tem ajak tebilemba angandangdar. Sorkar nung kecha timtem mali," ta metetdaksü.

Shivakumar-isa, Rajya Sabha Elections nung Congress lenir Abhishek Singhvi-i BJP candidate Harsh Mahajan matsüngdang tamakok anguba atema Chief Minister Sukhu-i tamakok tenüng agiogo, ta metetdaksü. Himachal nung Rajya Sabha menden ka dang lir.

State nung ruling Congress MLA tem majority süaka Congress MLA kari BJP candidate nem vote agütsüba ajanga Congress candidate-i tamakok anguba sülen sorkar chireptsüsa tensa ka ajurua liasü.

BJP nem vote agütsüba Congress MLA trokji Speaker-i anentsüogo. Anentsüba MLA temji Rajinder Rana, Sudhir Sharma, Inder Dutt Lakhnupal, Devinder Kumar Bhutoo, Ravi Thakur aser Chetanya Sharma nunger lir.

Menden 68 aliba Himachal Pradesh Assembly nung Congress MLA 40 lir, BJP MLA 25 aser tanünga asemji independent MLA tem lir.

LIST OF SELECTED PARTICIPANTS FOR STATE HANDLOOM EXPO AT KOHIMA VILLAGE, KOHIMA, NAGALAND. W.E.F:- 05th MARCH TO 18th MARCH 2024.

Sl/No	NAME OF PARTICIPANTS	ADDRESS	No	I.D/NO
1	Pel Lego	Arunachal Pradesh	8974378006	
2	Orung Lego	Arunachal Pradesh	7627965031	
3	Md. Ashique	Kolkata, West Bengal	9163779599	
4	Imtezar Ali	Bhadohi, U.P	9402250646	
5	Mominul Hoque	Barpetta, Assam	7099201042	
6	Shahida Khatun	Kamrup, Assam	8822536447	
7	Hemlata Roy	Barpetta, Assam	8822831481	
8	Santanu Pathak	Jorhat, Assam	6901976219	
9	Hitasri Das	Barpetta, Assam	9395065428	
10	Rumi Saikia	Jorhat, Assam	9365372081	
11	Yanyu K Konyak	Mon, Nagaland	9802094473	NHHDC/PRO-468
12	Ruokuoneinu Rose	Kohima, Nagaland	9856683507	NHHDC/PRO-465
13	Yungnyu Phom	Longleng, Nagaland	8974856210	NHHDC/PRO-352
14	Bokavi Yeptho	Dimapur, Nagaland	9362161887	NHHDC/PRO-598
15	Ilika Jakha	Niuland, Nagaland	8575155053	NHHDC/PRO-613
16	Kavitoli	Zunheboto, Nagaland	9366747546	NHHDC/PRO-127
17	Hotoli Yeptho	Dimapur, Nagaland	9378127882	NHHDC/PRO-094
18	Bethel H Zhimo	Zunheboto, Nagaland	8415980684	NHHDC/PRO-648
19	Anuo H/Loom Unit	Dimapur, Nagaland	9863466230	NHHDC/PRO-162
20	Imkummenla	Mokokchung, Nagaland	9862120836	NHHDC/PRO-413
21	D. Mechiiho Store	Kohima, Nagaland		
22	Seyie Handloom Collection	Kohima, Nagaland		
23	Ura Lietho	Kohima, Nagaland		
24	Vinoli	Zunheboto, Nagaland		NHHDC/PRO-
25	Manloi	Dimapur, Nagaland	6009003426	NHHDC/PRO-249
26	Katichu Apfutirr	Phek, Nagaland	7085260955	NHHDC/PRO-620
27	Ikanali Zhimomi	Dimapur, Nagaland	8119922772	NHHDC/PRO-309
28	Ayangla Longkumer	Changtongya, Nagaland	9740278969	NHHDC/PRO-582
29	Senlimongla	Tuli, Nagaland	9862461607	NHHDC/PRO-608
30	Merennungla	Dimapur, Nagaland	6909191082	NHHDC/PRO-063
31	Imkonglila	Dimapur, Nagaland	9612964152	NHHDC/PRO-040
32	Angyung K Konyak	Mon, Nagaland	9205854358	NHHDC/PRO-461
33	Imtinenla	Changtongya, Nagaland	8787439923	NHHDC/PRO-340
34	Imsunungla	Mokokchung, Nagaland	9863344348	NHHDC/PRO-652
35	Lipongla	Kiphire, Nagaland	7630843461	NHHDC/PRO-013
36	Margaret Ngullie	Dimapur, Nagaland	7085984970	NHHDC/PRO-659
37	Lanutula	Dimapur, Nagaland	9615823446	NHHDC/PRO-518
38	Akangzungla	Mokokchung, Nagaland	8258965958	NHHDC/PRO-455
39	Kazungtola	Mokokchung, Nagaland	8974800685	NHHDC/PRO-046
40	Pantigenglu	Dimapur, Nagaland	9856585992	NHHDC/PRO-660
41	Putosena Pongener	Dimapur, Nagaland	8413064777	NHHDC/PRO-050
42	Saraholi	Zunheboto, Nagaland		NHHDC/PRO-012
43	Hemali	Dimapur, Nagaland	8014477936	NHHDC/PRO-108
44	Sentiyangla	Mokokchung, Nagaland	8414856724	NHHDC/PRO-391
45	T. Thungtemo Murry	Dimapur, Nagaland	6900579483	NHHDC/PRO-672
46	Ameli	Dimapur, Nagaland	8257072163	NHHDC/PRO-156
47	Lanutila	Changtongya, Nagaland	8974322030	NHHDC/PRO-427
48	Amongla	Dimapur, Nagaland	7005605516	NHHDC/PRO-137
49	Lovi Awomi	Dimapur, Nagaland	9612330774	NHHDC/PRO-141
50	Merytoli Sumi	Dimapur, Nagaland	9612645345	NHHDC/PRO-142
51	Roben Hevishe	Dimapur, Nagaland	7630831433	NHHDC/PRO-277
52	Chubasangla	Mokokchung, Nagaland	8730934421	NHHDC/PRO-609
53	Aienla Ao	Dimapur, Nagaland	9233793631	NHHDC/PRO-172
54	Rishienla Lemtur	Mokokchung, Nagaland	8837410721	NHHDC/PRO-639
55	M. Limasangla	Tuli, Nagaland	8575425676	NHHDC/PRO-179
56	Bendangsenla	Dimapur, Nagaland	9612427818	NHHDC/PRO-119
57	Moasangla	Dimapur, Nagaland	9612408122	NHHDC/PRO-239
58	E. Merry Phom	Longleng, Nagaland	9612953336	NHHDC/PRO-320
59	Akivito	Zunheboto, Nagaland		NHHDC/PRO-
60	Ngipyao	Kiphire, Nagaland	7085457133	NHHDC/PRO-665

- NB:-**
- The selected participants are directed to report to the exhibition at Kohima Village ground, Kohima at 6:00 a.m
 - The participants are directed to keep their exhibits in their stall under lock & key. The office shall not be held responsible in case of any losses/theft.
 - Selected participants must display genuine products with full stock, failure to do so will result in revoking their participation from the exhibition.
 - Selected participants are informed to reach at scheduled time. In case of failure,their participation in the event will be revoked
- Managing Director
NHHDC Ltd.**



February 29, 2024 nü Abu Dhabi nung 13buba WTO Ministerial Conference nung Union Minister for Commerce & Industry, Piyush Goyal aser World Trade Organization (WTO) Director-General, Ngozi Okonjo-Iweala na ajurudang tangokba noksa nung angur.

TADA Court-i Abdul Karim Tunda chiokogo

New Delhi, February 29 (Agencies): 1993 küm bomb aika amshia train amakba ken o dak sendakba nung Brihostibarnü Terrorist and Anti-Disruptive Activities Act (TADA) court-i Abdul Karim Tunda anema kuli peria mengutetba ajanga chikogo.

Iba ken o nung tai tonglokja alir tongtiji Tunda liasü.

Tunda atema ken o jembitsür, advocate Shafqat Sultani-i, CBI-i Abdul Karim Tunda anema kuli tejangja magütsütet, ta metetdaksü.

Osangbenertem den

jembidang advocate, Sultani-i, Tunda lir ta CBI-i tai tonglokja liasü. Tanü Court-i iba obendang agütsüogo. Ozüng balala aser Arlla balala kübok Abdul Karim Tunda anema kuli mangu. CBI-i court matsüngdang TADA, IPC, Railway Acts, Arms Act mesüra Explosive Substances Act kübok kuli magütsütet," ta metetdaksü.

Babri Masjid raksatsüba sülen 1993 küm, küm ka ajungba anogomong nung train pezü bomb amshia amakba ken o nung asalentong yanglur tongtiji

Tunda lir ta CBI-i tai tonglokja liasü. "Abdul Karim Tunda-i aibelena mali, ta onoki tetenzük nungi jembia aruogo. Irfan aser Hamiduddin nabo aitsüogo aser kobi melii tena nem temerenshi obendang agütsütsü," ta paisa metetdaksü.

1993 küm December 5-6 anogotem nung Lucknow, Kanpur, Hyderabad, Surat aser Mumbai nung bomb lendong agütsüba sülen Tunda den Irfan alias Pappu aser Hamiruddin nunger nem tai tonglokja liasü.



TIR YIMYIM YIMOBILEM (EDITORIAL)

DIMAPUR ROGONÜ, MARCH (METSÜREMI) 01, 2024

Kuli küpdok senden !

Linük ka madak nisung ka chuba kümer pa mulungka nung nübertem madak yimsüsübaren agi nübertem laktetadoker, nübertemi mulungba nung yimten yimsüsürtem shimteta nübertem asoshi temzüng ozüng aser terenlok sentongtem yanglua yimsü südaktsütsü atema yimtenshisashirtemi shisateta akümba yimtenji democracy lir. Democracy tetezü nübertem tashi. Iba tashiji amshia tatartemi tatar senden nung jembir asünungji, pai mesüra lai jembiba o ji kija o masü, aji pa mesüra la tatar asütsü shimteter nübertem o asütsü. Iba tangatetba nung kodang tatar senden nung tatar kati shilem agia jembidir tasü aiter, aküm aketer aser pei mapa agi pei nümadangteta yimsü asür. Aji oda, tatar kati tatar senden nung jembiba ken o ji par kibong takok mesüra tamakok indang masü, par kibong nüngdak aser timtemba indang otsü ashir-a masü mesüra pari aginüba aser maginüba indang metetdaksür masü, saka pa mesüra la dak temulung lemteta tatar kümdaktsür jangkudoker nübertem asoshi nüngdakba ken o jembir. Nübertemi akümba yimten yimsüsüba mapang aser maparen nung yimsüsür ka asoshi jangratemtsüji aji lir. Aji oda, democratic yimten yimsüsüba mendenji nisung kati jembiba angar aotsüba menden masü saka pei lima aser nübertem asoshi nüngsena agia ken o jembitsü tashi aketba menden lir. Ajisüaka, tatar aikati tatar senden nung nüngsen agia ken o mejembir aser ano jembinüyonga mapanga mangur. Ano, tang Nagaland nungbo nübertem meteta akoksaba mapa aser mapang kaji yimten telok aika nungi tatartem shimteter tatar sendeni yokaka, tatar senden tongerbo ajak yimten telok ka nungi dang shimtet ama tatar senden nung ajak 'Ruling' menden nung amener dang, 'opposition' mendenbo kata mali, Communist lima ama "One Party Government" aliba lima amai dang kümogo. Ibaji tesümgangtsüka aser shitakba nung tezüdangtsüka lir. Naga nunger tatarbo shinga küm pungo opposition nung amentsüa makoker na (?) ta kimalen nungi temulung shiranga repranger. Ashi, tatar senden nung opposition ali asübo tang amenba tatar senden dang nungi telemlaba aser tajangzük tuluba ngua litetla. Asenok ama Parliamentary Democracy nung nübertem asoshiibo government nung alir tatartem dang nungibo opposition nung alirtemang tongtibangba, kechiyong parnok nüken tsübuba agi government nung alirtemi nübertem asoshi ochi tashiba, tenendakba aser temulung tagütsüba inyaksü. Aji oda, opposition nung amenbaji tatar ka asoshia pei nok leptetdak lir, kechiyong nübertem asoshi nüngdakbo pai mesüra laiang teimba reprangteta ken o benoktsü. Ajisüaka, tang amai pei akoksa tsübua tatar ajak government nung dener tatar senden ayongzüka amenba yabo mali majung asüba agi kuli küpdok senden amener dang asütsü. Ashi, tatar senden amentsü atema temzüng nung mapang atakzüka agüja mali asünungbo tatar senden ya mapang endoka memenla. Tatar senden ya pei lima lipok jembidak aser tarutsü indang bilema tanü putu tensa nüngdak ken o benoka jembidak sabang tongtibang ka lir. Iba jagi tatar senden nung yimsüsür tajungi jembiba ken o bo teti asoshi tatishitsü tajung küma nübertemi jembir. Atangji, tanga Nagaland tatar senden nung tagitsü mejembir ta masü saka jakdaka tai aika inyakdak lima aser ochimashi mapatem agi jungnüseta junga mekümtetba lima nung tatar senden alidak tatartem rongnung government-i inyakba tai apur kata mali, kuli küpdok o langzüteper senshitsuabaji tesasatsüka lir. Atangji, iba tiaji tatartemi yangluba masü nübertemi yangluba tia asütsü. Tiaji odang ataloker masü nisungi yanglur aser iba ama tia yanglur nisungtemji asenok lir. Atangji, taoba election aika nung asenok taküm, rongsen aser mapang aika endoka yangluba tia nung tanü asenok alir. Iba tia nung ali tashi tatar sendenji kuli küpdok adenshiba senden ka dang asütsü aser tatar senden nung jembiba ken o ji kuli makok jembiba ken o dang asütsü.

OLEMSABANG

14th FEBRUARY ASER YONGCHAK

~ Temjentenzük Changkiri

Yongchak ya Manipur-len nungi adokba chiyungtsü tajung ka lir. Tanü asen Nagaland nunga aikati kanga sapua achir. Yongchak ya süngjanglijang kibong nung atongsemtsü südi. Onok college azüngba mapang Manipur nungi aruba ozü medemertemi iba chiyungtsü ya kanga sapua chia angudang, ni atema mezüngbuba yongchak chiyungtsü meteta akümba mapangji ibaji liasü. Hostel nung onok aikati iba yongchak ya chia tenzük. Tangbo yongchak ya chibadoker joko küm 30 tema süia odaki! Yongchak ya achitsü tajung saka tezüknem sashira! Kodangsa ni yongchak den chiyunger mejanger aser anepdang saker metsümeshi südir, ni joko yongchak machitsü ta sa bilemer! Saka anogo süitema anü ai tashi nungbo yongchak densa chiyunga doker alir! Iba tapayutsü yongchak süngdong aser 14th February nung kü sarasadem indang kar lemsateper!

Ozü jabaso talakba pa class 12 ajanger Kohima Science College nung tenüng zülutet. Ano atongtepa NEET tatidang agütsütsü atema coaching centre nung tenüng zülutsü. Hapta ana süia aodang jabaso anaprongla külemi agiba jagi pa kanga belemer ta tetsü küna dang shia, pai odia dang ana nungji ka dang agitsü ta lemsatep. Pa koba agitsü küna nungi telemtetba ka meshi. Sarasadema shisadanger küm ka 'gap' agia atar NEET-ji merangdangtsü atema ni jabaso nem telemtetba agütsü. Paia mulunga agizük aser B.Sc nung tenüng zülüokba meyipa agi. Jabaso kanga sashia azüngtsü tenzük, saka külen künabo kanga shisabulutsü tenzük! Jabaso dang nungi künaang temulungjang pokmatsü amai terata aser animesüngzükteti liasü. Joko Tsüngremji asen anisüngzükdak tajungtiba asünung, Pa dangi ano tali akanga meyip aser tamang ulushir sarasademtsü tenzük. Yamaji, anogoshia jabaso NEET tatidang nung takok ngudakjang ta sarasadema aru. Kidanger, kiyonger mesüra yimdong nung tangar dena o jembitsüabajia kanga dang kümdangasa jembia lia aruogo.

Iba amaji arudang ozü arogo nung mission hapta ajuru. Sentong nung aliba ama Pastori tenla sen meshitetba den külemi missionary-tem atema sarasadem. Nia mechioker temulung nung sarasademba mapang, kü mulungi sarasadem onük ka aru aser iba atemaji ni ola madoki temulung nung sarasadema liasü. Sarasadem temer kü temeshi laishiba tesülen tapak tazüng ka nung yamai zülüoka ayu: "Ni kü mulungjang nung jabaso (tenüng) medical missionary ka akümstsü atema Tsüngremi mulungra ataloktsü atema bendanga agüja sarasadema mepishia liasü. Nibo temepishir ka dang saka telemsarji Tsüngrem lir. Pai mulungba ama süangma. Amen." Iba anogoji 14th February liasü. Yamaji onoki akokba tashi aser sarasadem ajak agi jabaso nungita aru.

Iba mapang ozü atsü nung yongchak süngdong tulu ka liasü. Joko tejang atangtsüba mapanga süia küm aika arur saka tejang madangba yongchak süngdong ka liasü! Ni Tsüngrem dang kü tamang ajak agi iba yongchak süngdong ajanga jabaso sangküm NEET tatidang nung takok angutsü/mangutsü sayuang ta mepishi. Ozü jabaso shitakba takok angutsü asünungbo nai takümba yongchak süngdong nung temaitsü ka ama tejang tangzüka sayuang ta Tsüngrem dang mepishi. Shisabulusetta sarasadema lia arudang, tesümgangtsü ka künü ozü yongchak süngdong nung temechi adoka angu! Aser melungi tejong tenet adoka topur junga naro temesüng apongtsü tenzük! Tematiba Tsüngrem tenüng sanga liasü. Ya atangji, Tsüngremi ozüi

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

Kohima Lotha AG Arogo nung Silver Jubilee among



February 28, 2024 nü Kohima Lotha Assembly of God Church (KLAGC) küm 25 ajungba (1999-2024) Silver Jubilee sentong nung Jubilee Choir-i ken atandang tangokba noksa nung angur.

Kohima, February 29 (TYO): Bodhbarnü Kohima Lotha Assembly of God Church (KLAGC) küm 25 ajungba (1999-2024) Silver Jubilee mongogo; "Tsüngremi ajungba bilemteter" omen nung ajemdaker Arogoi Jubilee among.

God of East India General Superintendent, Rev. Dr. Moses Murry-i Jubilee nüngshilong meshiteta sarasademba sülen Jubilee sentong tenzüka liasü.

Tsüngrem O jembidang Dr. Moses Murry-i, Jubilee ya tesülen meyipa reprangdangtsü mapang ka

asert Tsüngremi tamangertem dang ajungba atema Tsüngrem nem tenüngsang agütsüba mapang ka lir, ta ashi.

"Tesüiba küm aika Tsüngremi asenok kibongtem aser Arogo nem jenti moatsüba atema asenoki Pa nem tenüngsang agütsütsüla," ta pai ashi.

"Jubilee ya tanaben bendanga agütsütsü, tejakleni aotsü aser Khrista osangtajung prokba nung shilem agitsü mapang ka lir," ta pai ashi.

Kasa sentong nung Kohima Lotha Baptist Church nung tongti pastor, Rev. Dr. Benry Lotha-i Jubilee salem osang

lemsatepa liasü aser Treasurer, A.G. Wokha Section, Rev. Lijamo Kikon-i Jubilee mong nüngo kaket saya.

Kasa sentong nung Presbyter A.G. Wokha Section, Rev Zuchamo Shitiri-i Arogo züngsemtem atema temoatsü meshija sarasadem, Jubilee Convenor Zajamo Kikon-i tepela anküp o jembi aser Pastor A.G. Church Mungya, Nzanmongo Ngullie-i sentong tembanga sarasadem.

Kasa sentong nung Jubilee Choir-i Jubilee omen ken aten aser Nyanbeni Ngullie-ia ken temeja ka tena liasü.

ANOGO ABEN TSÜNGREM DEN

Taidok angutsü taidok agüjang

Aser ozüi kechi koda pi dang tai doka lir, aji oda ozü taia tokangma. Mathi 6:12

Mapa kar taidok agütsüba dang nungi agizüktsüba tali senti lir. Asen menen khuret bener külen aseni tai inyakba ajak nungi nüji kümdaktsübaji tesüngmangtsü ka lir. Yisui nütsüngtem dang parnoki sarasademba shia tai tokang ta sarasademang ta sayu. Asenoki anogo shia Tsüngrem anema inyaker ta Yisui metet. Asenoki Tsüngremi aginüba jenjang matonger. Anogo kata Tsüngrem dang tatok memeshi-i süidaktsütsü makok.

Asenoki asen anema inyaker dang tatok agütsüra, Tsüngremia asenok nem tatok agütsütsü kechiaser asenoki koda tangar dang tai atoker Tsüngremi yamaji asenok dang atoktsü ta Yisui tekümdangtsü agütsü (Matt. 6:15). Tsüngrem yimyaji tatok agutsutsüba lir (Anitet 34:6-7). Asenoki Pa nütsüngtem sünera, asenoki Pa tatishitsü nung anidaktsüla. Teti asen tsükchir dang Tsüngremi tatok agütsüra, asenoki tilaba kecha inyaktsü makok. Mapa kar nungbo tatok magütsütsüla ta Yisui mashi. Tatok magütsütsü Laishiba nung shia mali.

Nai kar nembo tatok magütsütsü mulungtetra ne tekülem aser sarasadem amajok (Matt. 5:23-24). Ne mulungjangi item tammangtem bushitetsü Tsüngrem dang asüngdangang. Nai taidok nüngdak bushidang tangar aibelenji mesüka alitsü Tsüngrem dang asüngdangang, idangji nai rishikangshir asoshi "Oba, parnok dang tai tokang" ta sarasademtsü.

Ukraine nung bomb agi Tenla ki poksatsü; putir ka densema nisung 4 pokset



Putir, Yuriy Klymko aser bomb agi poksatsüba Tenla ki chirepa aliba noksa nung angur.

February 29, 2024: Bodhbarnü Russia sepaitemi bomb amshia Ukraine kübok Kharkiv region amakdang arrshi küm trok tetsür chanu ka aser Khristan putir ka densema nisung pezü poksetogo, ta interior ministry-i metetdaksü.

Kupiansk yimti nung Russia nunger bomb ajanga Tenla ki ka poksatsü aser Tenla ki chirepba jana nungjagi arrshi küm 58 putir, Yuriy Klymko tasü mang agitet, ta Kharkiv governor Oleh Synehubov-i metetdaksü.

Russia-i FAB-500 bomb

aika amshia iba yimti amak; iba yimti ya Russia arrtsülen nungi kilometer 40 shi pilar lir, ta Synehubov-i metetdaksü.

Tenla ki anasaji arrshi küm 39 tebur ka, arrshi küm trok tetsür chanu ka aser la tebou nungera pokset, ta Interior Ministry-i metetdaksü.

United Nations-i ashiba agi, 2022 küm February ita nung Russia-i Ukraine amakba sülen tang tashi nung Ukraine nung civilian 10,000 dak tema tepsetogo.

Russia sepaitemi Arogo kiojen, theological institutions aser Khristantem atema

temeshi tesem 500 jungnüa raksatsüogo, ta tawa Institute for Religious Freedom (IRF)-i metetdakja liasü.

Independent research institute-i iba osang ya Washington nung International religious freedom summit aliba mapang nung metetdakja liasü.

Russia nunger sepaitemi Ukraine nung evangelical Khristantem ya America nunger atema itdangitertem aser Russian Orthodox Khristantem atema tsükchirtem, ta tai tonglokja Khristantem anema inyakba manener.

Nigeria nung aliba Arogo ka nung pastor kati pastor ka tepset

February 29, 2024: Nigeria kübok Osun State nung aliba Celestial Church of Christ Tenla kidang assistant pastor kati tongti pastor tepset, ta osang ka ajanga metetdaksü.

Arogo nung tongti Pastor, Moris Fadehan tepsetba atema assistant pastor, Lekan Ogundipe dak melung melemi puogo.

Pastor Moris Fadehan tasü mangji mi agi tera ronger liasü. Pastor Ogundipe-ibo pastor Moris ji mi agi rongset, ta metetdaksü.

Osang angazükba agi, Ogundipe-i pastor Moris tepsetba sülen Arogo tenensang'er kidangi oa pa dang mi agi pastor Moris rongsetogo ta metetdakja liasü, ajisüaka Ogundipe süoshi nung azü keta aliba ajanga pa dak melung malem tenzü. Tesüsa ozüng benokba agencies nungi kettangsertemi pastor Ogundipe apu.

Pastor Ogundipe-i kechi kuli ajanga pastor Moris tepsetar mejangja, ajisüaka Arogo meyong jabi nungi tena tsüngda mangatettep adok südi ta bilemer.

Mangatettep adokba sülen Moris Fadehan-i Ogundipe dang nungi Arogo jabi ajak meshizüka ayu. Amongnü tashi nung mangatettep tuluba adokba ajanga tekülem sentong-a junga magiteti liasü, ta osang jangjaogo.

"Taoba Bodhbarnü (February 21) Arogo nung Tsüngrem lar ka dak azük. La Tenla kidang aliba mapang nung pastor Ogundipe arua la ajurua liasü. Iba mapang nungji tena tsüngda mangatettep adoka pai la dak ango, ibayongji sannüker (Pastor Moris Fadehan) kanga jashia liasü," ta Arogo nung inyaker kati metetdaksü.

"Iba sülen Pastor Fadehan-i pa ket nungi Arogo jabi ajak meshizüka ayu. Item tatalokba ajanga taoba Amongnü tekülem sentong-a junga magiteti liasü," ta paisa metetdaksü.

Pastor Moris Fadehan Tenla ki sabang nung sarasadema aliba mapang nung pastor Ogundipe arua screwdriver ka amshia Moris Fadehan tejak mejungi yiruja liasü. Ibaji miimbangtsü atema

Ogundipe-i generator ka anansa Moris Fadehan tasü mang nung mi senoktsü.

Osun Police Command, Public Relations Officer, Yemisi Opalola-i, "Iba tatalokba bushisüngdang tenzü kogo. Hombarnep 10:15 ako meta Arogo nung züngsem kati arrshi küm 65, Moris Fadehan tepset. Iba tatalokba tesem tonga aruba mapang nung pa temang azü agi sünger liasü aser tasü mang nungji yiruba zübo-a aika liasü," ta metetdaksü.

"Melung melemteti kasa tesem nungji nisung ka puogo," ta paisa metetdakja liasü.

AO OSHI ANGAZÜKDAK: TANÜ ANGAZÜKTSÜBA OJANG



Songtomata

(adj) mashimashi inyakba, zübazülem (casual, insincere)

* Songtomata nisungi lokti anir moutettsü.

Sonü

(n) tagitarutsü süngdonglidong aika aliba arem (rich forest area)

* Asenok yim ajak nung sonü tajung wazüka ayur.

OLONG PAITEP # 6713

1		2		3		4	5		
				6					7
		8							
9				10		11			
			12					13	
						14			
16						17			

TIPIEN

1. Nisung jenti - (5)
4. Tsük rudenba - (5)
6. Temzüng tesashi - (5)
8. S_ _ _ i - (3)
9. Nisung rongnung telemsa - (3)
10. Anogoshi - (4)
12. Ajanga aor - (4)
13. Tsük rüzüngdak - (3)
14. Tebang nungi adokba - (3)
16. Süngdong tatembangliba - (5)
17. Meputep - (5)

LANGTSÜNGLEN

1. Tenük telong - (9)
2. Committee dang ajar - (5)
3. Yagi ki okdoker - (7)
5. Yim lenmang - (5)
7. Temoatsü keter meyipa aruba - (9)
11. Kanga junga menemba - (7)
12. Kenyongi majinü - (5)
13. Rong kanga tulu - (5)

OLONG PAITEP # 6712 TELANGZÜBA

TIPIEN :

1. Tanga, 6. Wara, 7. Rajang,
9. Anük, 10. Jenjang, 11. Alar,
14. Ngashi, 15. Nala, 16. Mech.

LANGTSÜNGLEN :

2. Anga, 3. Yabang, 4. Tarok,
5. Orak, 8. Ainer, 9. Anema,
10. Jabilli, 11. Among,
12. Miim, 13. Anem.

NAI-A YA METETTER MA

1952 KUM NUNGI LOK SABHA JENANG

Lok Sabha	Commenced Date	Prime Minister
First	13 May 1952	Jawaharlal Nehru
Second	April 1957	Jawaharlal Nehru
Third	April 1962	Jawaharlal Nehru, Lal Bahadur Shastri and Indira Gandhi
Fourth	March 1967	Indira Gandhi
Fifth	March 1971	Indira Gandhi
Sixth	March 1977	Morarji Desai and Charan Singh
Seventh	January 1980	Indira Gandhi and Rajiv Gandhi
Eighth	December 1984	Rajiv Gandhi
Ninth	December 1989	V. P. Singh and Chandra Shekhar
Tenth	June 1991	P. V. Narasimha Rao
Eleventh	May 1996	Atal Bihari Vajpayee, H. D. Deve Gowda and I. K. Gujral
Twelfth	March 1998	Atal Bihari Vajpayee
Thirteenth	October 1999	Atal Bihari Vajpayee
Fourteenth	May 2004	Manmohan Singh
Fifteenth	May 2009	Manmohan Singh
Sixteenth	May 2014	Narendra Modi
Seventeenth	May 2019	Narendra Modi

Meghalaya police-i HNLC aser GNLA inyakyim bushisüngdangder

Shillong, Tsüklai/February 29

(Agencies): Hynniewtrep National Liberation Council (HNLC)-i WhatsApp ajanga senotsü akhangba dak sendakba nung Meghalaya police-i cyber-investigation ka tenzükogo.

Kasa mapang nung Meghalaya kübok Garo Hills nung Garo National Liberation Army (GNLA) asüngsashiba dak sendakba nung ken o balala achaayangtsü asoshi police ketdangsur tejen ka yokogo.

Iba osang ya Meghalaya director general of police (DGP) LR Bishnoi-i metetdakja liasü.

Brehostibarnü osangbenertem nem telangzüba agütsüba mapang Meghalaya DGP LR Bishnoi-i ashiba agi, state nung aliba nüburtem dang WhatsApp ajanga senotsü meshia osang agütsüba ya cyber wing-i bushisüngdangdar.

"Iba ken o bushisüngdangtsü atema cyber wing nem

nongloktüsügo. Onoki nüburtem dang iba amala takhangbatem kar danga arura police nem osang agütsütsü mepeshir," ta Meghalaya DGPLR Bishnoi-i ashi.

Local media sangdong balala ajanga ashiba agi, nüburtem karibo iba takhangba dak sendakba nung telangzüba agütsügo.

Kasa mapang nung sorkari parnok takhangba mataloktsüba sülen HNLC pur, state aser Centre sorkar den sensaksema aliba nungi atsüngina liasü.

Yimjung atema sensaksema aliba nungi HNLC pur atsünginba ajanga iba sentong ya takok mongutettsü ta bilemba aliba mapang sorkar aser opposition napronglai sensaksem tenzükshitsü asoshi temepeshiba agütsügo.

GNLA asüngsashiba dak sendakba nung DGP LR Bishnoi-i ashiba agi, tensa asadangtsü aser local stakeholder tem den

sendaktepa inyaktüsü atema Meghalaya Inspector General (IG) for Law and Order Garo Hills-i yokogo.

"Social media nung osang balala prokshidar, saka ken o jangjatsü nungdaker aser onoki ken o bushisüngdangdar," ta Meghalaya DGP-i ashiba den nüburtem dang teka amteper inyaktüsü ayongzüka liasü.

February 23 nü Meghalaya deputy chief minister Prestone Tynsong-i, GNLA tanaben mekütmetdaktüsü asoshi state sorkar bendanga agütsü lir, ta ashi.

"Police tem kanga kümküma lir aser iba telok asüngsashitsü merangba ajak parnoki nokdangtsü. Iba amala inyakyim nem telangzüba agütsütsü onok renema lir," ta Tynsong-i ashi.

GNLA pur asüngsashiba indang social media nung osang ka prokshiba sülen Meghalaya nung ketdangsurtemi bushisüngdang ka tenzükogo.

GOVERNMENT OF NAGALAND DIRECTORATE OF AH & VETERINARY SERVICES NAGALAND::KOHIMA

NO.VET/LHDC-MVU/1/2023-24/

/ Dated Kohima, the Feb' 2024

WALK IN INTERVIEW

A walk in Interview is hereby advertised for hiring / engagement of personnel for a period of 3 months (90 days) which is co-terminus with the scheme under MVU-2023-24 sponsored by Govt. of India, Ministry of Fisheries, AH & Dairying, Department of AH & Dairying, New Delhi as follows:-

Sl. No.	Category of Personnel	Required qualification	Period of hiring	Pay	Remark
1	Hiring of Attendant cum Driver	Class 8 passed with valid driving licence.	3 months	Rs. 18,000/-	1. Preference to be given to indigenous inhabitant of the District.
2	Hiring of Para-Veterinarian	Certificate course on VFA.	3 months	Rs. 20,000/-	2. Hiring is purely temporary (three months).
3	Hiring of Veterinarian	B.V.Sc& A.H. / M.V.Sc.	3 months	Rs. 56,000/-	

The interview shall be held at the Directorate of AH & Vety Services, Conference Hall, Below NPSC Office, New Secretariat Complex, Kohima from 9 am on the following dates:-

Sl. No.	Category of Personnel	Date	Districts
1	Attendant cum Driver	7 th March 2024	Kohima / Dimapur / Peren / Phek / Mokokchung /
2	Para-Veterinarian	11 th March 2024	Wokha/ Zunheboto / Tuensang / Mon / Longleng /
3	Veterinarian	12 th March 2024	Kiphire /Tseminyu / Chumukedima.

Other information:-

1. Should produce all relevant documents on the date of interview.
2. Candidate for Sl. No. 1 should be male candidates only possessing a minimum of 2 years experience with valid licence.
3. Nature of the job is field works only and not in the headquarters.
4. Personnel should be willing to travel from village to village.
5. No quarter /TA will be provided; personnel should arrange their own accommodation.

(DR. ACHILA AO)

Director

AH & Veterinary Services
Nagaland, Kohima.

GOVERNMENT OF NAGALAND DIRECTORATE OF SCHOOL EDUCATION NAGALAND : : KOHIMA

NO.ED/SCH/RIMC/EE/2024-25

Dated 27th Feb 2024.

ADVERTISEMENT

Advertisement for admission of boys and girls to Class VIII in Rashtriya Indian Military College (RIMC), Dehradun, for January 2025 term to be conducted on 01st June 2024 (Saturday).

1. Both boys and girls are eligible to apply for admission to the RIMC, Dehradun. The candidates should be in the age bracket of 11½ to 13 years as on 01 Jan 2025, i.e., they should not be born earlier than 02 January 2012 and not later than 01 July 2013.
2. Candidates should either be studying in Class VII or should have passed Class VII from any recognised school at the time of admission to the RIMC i.e. 1st January 2025.
3. The written part of the examination will consist of three papers namely Mathematics, General Knowledge and English. The Mathematics, General Knowledge and English papers will be conducted between 0930-1100hrs, 1200-1300hrs and 1430-1630hrs respectively on 1st June 2024 (Saturday). The date for the interview will be intimated at a later date only for those candidates who secure 50% marks in all the papers in the written exam.
4. Prospectus cum Application Form and booklet of old question papers can be obtained by making online payment on RIMC website www.rimc.gov.in or speed post by forwarding self addressed slip and an account payee bank demand draft of Rs 600/- for General Candidates and Rs 555/- for SC/ST Candidates. The Demand Draft will be made in favour of "THE COMMANDANT, RIMC FUND", DRAWEE BRANCH, HDFC BANK, BALLUPUR CHOWK, DEHRADUN, (BANK CODE -1399), UTTARAKHAND.
5. Application on prescribed form accompanied by 2 passport size photographs, Domicile Certificate, Photocopy of Aadhar Card (both sides), Birth Certificate issued by Municipal Corporation, ST/SC Certificate and original Certificate from the Principal of the current school with photograph attested stating the date of birth and class in which the candidate is studying should be submitted to the Directorate of School Education by 15th April 2024.

(THAVASEELAN KJIAS)
Principal Director.

Ukraine dangi sepaï yokra nuclear war tenzüksü: Putin



Moscow, Tsüklai/February 29 (Agencies): Ukraine nung raratsü atema anüolen linüktem nungi sepaitem yokra nuclear rara tenzüksü, ta Russia Tir Vladimir Putin-i tir election agitsü hopta ana lia linük den jembidang ashi.

"Ukraine dangi NATO military contingents yoktsü atema jembia arur. Saka mapang ka asen linük indang litsü leni par sepaitem mapang ka yongba indang tia asenoki bilemteter. Saka tangbo tensa tia kanga agi tamajungba asütsü," ta Putin-i parliament nung jembidang ashi.

"Par litsü nung kongshiba nok-nü asen ket nunga lir ta parnoki angatetsüla. Item ajak yagi asangsang nung nuclear noknü amshitsü aser meimchir ajunga samatsü tia dangi arur. Parnoki aji mangateter?"

Taoba mapanga Putin-i NATO aser Russia tsüngta raraba nung lendong aliba indang jembia liasü, saka Brehostibarnü nuclear noknü indang jembiba ya tesashiba liasü.

Hombarnü France Tir Emmanuel Macron-i European NATO züngsemtem dang Ukraine leni sepaï yoktsü onük benokba sülen Putin-i iba tekumangtsü o ya ashi. United States, Germany, United Kingdom aser danga züngsem linük kari ibaji magizük.

Ajisüaka anüolen linük lenirtemi Germany indang Adolf Hitler aser France indang Napoleon Bonaparte tia bilemtetsü Putin-i ashi, shirnoki taoba mapang par linük amaktsü merang saka tamakok ajuru.

Putin-i Russia ya US den START arms control treaty nungi taoba küm agiena liasü aser pai nuclear nok-nü amshitsü renema lir ta ashiba ya asayamenür masü ta shia liasü.

1962 Cuban missile crisis sülen Ukraine amakba ajanga Moscow aser West tsüngta tesendaktep jenjang tamajungtiba ka nung liaka Russia ya US den jembishinü akatsü renema lir, ta Putin-i ashi.

Putin-i Russia nunger sepaï

Ukraine nung rarartem tenüing sanga parnok ya tasü tait nokinketer ta ashi. Opposition candidates timba tepuokdak lir mesüra linük yutsür bendang lima nung jenoka lir, anungji March 15-17 anogotem vote agitepba nung Putin-i ano küm trok kümsük ka tir inyaksü lenmang tesadamba akumer. Pa asoshi tayongzükter tesashitiba ya Alexey Navalny liasü, shiba tepuokdak lia February ita tiyonglen ajungbena asü.

"Ni item tasü tait nüburttem aser lanurtem dak temulung süa repranger. Parnoki majentsü, tamakok majurutsü aser mashioktsütsü," ta Putin-i ashi.

Ukraine nung Russian army tem indang combat capabilities tali kumogo aser frontline ajaklen temulung lema takok ngua aor ta ashi.

"Tanü asem tasoli ajanga Donbas aser Novorossiya nung tasü ita nokdaka asen senso takum kumzüka ayur aser ibai asen nübür lungjemba ajanga lir," ta pai ashi.

Brehostibarnü Russia-i ashiba agi, Black Sea nung Ukrainian special forces temi Tendra Spit sandbar nung anenzüksü merang, saka parnoki aridok aser iba mapang Ukraine sepaï 25 tashi asü.

IMPUR CHRISTIAN HOSPITAL

Impur - 798615, Nagaland

ADVERTISEMENT

Applications are invited for the following post in the Impur Christian Hospital, Impur, Mokokchung. Interested persons are requested to apply with all particulars to the Medical Superintendent Impur Christian Hospital. E-Mail: ichabam2015@gmail.com /whatsapp: ph. 9436015306. The last date for receipt of applications will be 25.03.2024.

Posts :	No.	Salary
Specialist (O&G)	1	Rs. 1,00,000 P.M.
Specialist (Paediatrics)	1	Rs. 1,00,000 P.M.

Accommodation : Free accommodation will be provided.

Sd/-

Dr. Sashimeren Aier

Chairman, Impur Christian Hospital

Pakistan nung assembly züngsem tasentem ajurutep

Islamabad, Tsüklai/February 29 (Agencies): Pakistan nung parliament indang lower house nung tang tasen shimba züngsemtem Brehostibarnü mezüng ajurutepa tepuokdak alisang taoba ato kilonser Imran Khan bhukumer temi house nung longkak aita aliba mapang tenangzüktepa agia liasü.

February 8 nü agiba election nung par anema tim masüba mapa inyak, anungji vote junga azüngtsüla, ta Khan-i yariba Sunni Ittehad Council (SIC) party-i takangba agütsü. Party kisüing katia majority mangu.

Khan-i yariba candidate temi

menden timba nung takok angu, saka Pakistan Muslim League-Nawaz (PML-N) aser Pakistan Peoples Party (PPP) nati coalition sorkar ka kumtetsü mulungtep.

"Shibai Pakistan kumzüksü? Imran Khan, Imran Khan," ta SIC züngsemtemi ayimtena aliba mapang ato kilonser inyaksü ataa alisang Shehbaz Sharif densema legislator temi National Assembly indang membership register nung meyonngem agüja liasü.

SIC züngsem kati "Imran Khan chiokang" ta zülua aliba poster ka amer speaker indang mendeni meyonngem agütsütsü ao.

(Maneni tapak 8 nung...)

Gaza nung nisung 30,000 dak tema tepsetogo: Health Ministry

Jerusalem, Tsüklai/February 29 (Agencies): Gaza nung October 7 nungi tenzüka tang tashinung Palestine nunger 30,000 dak tema tepsetogo, ta Hamas meyonng health ministry ajanga ashi.

Iba tasüba ya Gaza Strip nung aliba nütsüng yongsük million 2.3 nungi shilem 1.3 shi lir. Asürtem ya timba tetsür aser tanurtem lir ta ministry ajanga ashi.

Ajisüaka asürtem ya civilian asü Hamas züngsemar mebandang.

Anogoshi sangdongba ama Brehostibarnü ministry ajanga ashiba agi, tesüiba ghonda 24 tsüngta nisung 81 tepseta asürtem ajak agi 30,035 ajunger.

Asürtem ya kanga agi timba alitsü, kechiaser parnoki züngdangba nungya mozüki matongertem maden, shirnok Israel nungeri tayimtsü amshia amakdang ki chirepba nung asür nisung meyerijang aika lir.

Gaza City southwest tsütsü Brehostibarnep nisung noklang aika chiyongtsü teyari agütsüba ata alidang Israel sepaitemi injang khaloktsü aser iba mapang Palestine nunger aika asü aser 200 dak tema yiru.

Palestinian Foreign Ministry ajanga aitsü aser ibai asaa nisung ajunga samatsütsü merangba lir aser iba mapang Palestine nunger 104 shi tepset aser 700 daktema yiru, ta ashi.

Iba lendong ya Israel-i tang kin ajunga samatsütsü meranga



Gaza nung Israel nungeri tayimtsü amshia amakba tesem ka nung mokozü adoka aliba noksa.

raraba nung shilem ka lir ta ministry ajanga ashi.

Nüburttem ya al-Rashid Street nung adenshia liasü, kong am bena aliba gari tem arutsü imla liasü.

"Onok am abeni ao. Israel army temi onok dak akha. Yangji nisung aika asü aser onoki tang tashi asürtem temang belener. Yangji first aid mali," ta tenük kuli alir kati ashi.

Injang khaloktsüba sülen Israel nunger indang tank tem arua tasü mang aser yirur alidak menüing, ta osangbener kati ashi.

Asürtem aser yirur alirtem ya mozüki pezü, al-Shifa, Kamal Adwan, Al Ahli aser Jordanian hospital nung bener oa lir. Ambulance tem tonga marutet, kechiaser iba tesemi aruba lenmang tem ajak raksatsür lir,

ta osangbeneri ashi.

"Asürtem timba akumtsü, kechiaser mozüki nung masemer aser yangji totzü aser mozü agi anünger. Mozüki tem nung azü agimaogo."

Nisung 70,000 dak tema yiruba Gaza ministry of health ajanga tejangja meteta lir, koba asü-amar aser yirur atema official source ama lir. Iba data ya dang UN agencies aser danga international institutions temia amshir.

World Health Organization (WHO) ajanga ashiba agi, parnok ya mapang talangka nungi Gaza body den tesendaktep liasü aser parnok dak data bendenba/asadanga tashi lir. Parnoki taoba mapang sangdongba osangtema tejangja ama UN agency ajanga züngshia aru.

Civilian aser Hamas züngsemtem asüba asadanga osang indang asüngdang dang Israel mitkar temi kiralongrar tepsetba 10,000 shi lir ta ashi.

Gaza nung Palestine nunger asüba tenüing zülüoktsü atema nisung tasü mang ya mozüki kedtangsur mesüra medical workers temi tenük agi angutsüla. Anogo atem shia mozüki kedtangsur temi nisung tenüing, identity numbers densema asürtem aser yiruba mesüra asüba anogo, yirur alirtem indang tejangja ministry of health dangi osang yoker. Ministry of health kedtangsur ya tangbo Rafah nung amenoka lir.

Palestinian Red Crescent temia data nung shilem agir.

Iba rara mapang asü-amartem indang osang agitsü kanga tasak, kechiaser

tasü mang ayuba tesemtem asüngba den mozüki aser clinic telung aser temeket nung rarar, internet aser phone connectivity kanga majung lir.

Ajisüaka mapang talangba rara anena atatsü mulungtepra, mesüra rara ya tatem kati arura, tasü mang bushiba mesüra samar alirtem bushiba ajanga rarartem densema asürtem tali tejangjaba metetsü. UN aser rights groups aser Israel mitkar temia pei sasep nung bushisüngdangtsü imlar.

Tang asürtem züngdangba nung mulung mechitep adokba ya talisa Palestine nunger komaser tepset, Israel nungeri tayimtsü amshia amakdang asüba asü masü, mesüra artillery shelling aser Palestine nunger rockets tem khaloktsüba nung asüba asü masü, item kuli magütsüteter. Tang asü-amartem ajak ya Israel nunger mechi lir ta dang züngshir.

Gaza nung aliba ministry of health ajanga Bodhbarnü ashiba agi, Gaza north tsütsü mozüki nung tanur trok dehydration aser malnutrition ajanga asü ta ashir.

Gaza nütsüng yongsük quarter ka ayawara ajurutsü tia nung lir ta UN-i ashir aser mozü peria maliba ajanga menatepa aoba tashidak tali akumer.

Hamas züngsem meyerijang aika October 7 nü Israel south tsütsü aita nisung 1,200 shi tepsetba den nisung 253 pua bener aoba sülen iba rara ya tenzü.

Trials WFI kabuma nung dang lira onoki shilem magitsü: Bajrang



Tsüklai/February 29, 2024

(Agencies): Olympic bronze medallist Bajrang Punia-i Brehostibarnü ashiba agi, sorkari telemtetba tejangja ka magütsüra Wrestling Federation of India (WFI)-i ayongzükba national trials nung parnok (Vinesh Phogat, retired Sakshi Malik aser tanga longkak aita wrestler tem) shilem magitsü.

Hombarnü WFI-i, March ita agitsü aliba trials nung shilem agitsü atema longkak aita aliba wrestler tem jaokogo. Iba trails ya Asian nung asayamung tongtibang ana aser Kyrgyzstan nung 2024 Paris Games Qualifiers atema team shimtsü

asoshi agitsü. IANS den sensaksema mapang Bajrang-i, "onoki kechi atalokyonga aoer aji mejangja. Sorkari kechiba kecha minyaker? WFI-i state election ayongzüka agir, sorkar sen amshir aser sports ministry-i suspend sütsür liaka trails ayongzüka agir. Iba ya tezüdangtsüka. Trails ya WFI kabuma nung dang lira aser sroarki kecha minyaksü süra onok trails nung shilem magitsü," ta ashi.

"Pai (Sanjay Singh) temzüng ozüng ajak mezüngmeshir aser sorkari kecha minyaker. Telemtetba ka

nüngdaker," ta pai ashi. Iba ita tetenzüklen United World Wrestling (UWW) WFI nem tenokdangba agütsür aliba agintsüogo, ajisüaka taoba WFI tir Brij Bhushan Sharan Singh anema longkak aitba wrestler asem nem kasa maongka agütsütsüla aser parnok mesenmetui mamshitsüla, ta shiogo.

Tetsür wrestler tem dak mebenshitsu yimya beshiba atema parnok asemi Brij Bhushan aputsü khanga arudar. Sports ministry-i taoba küm WFI suspend sütsüogo aser iba asaya achaayangtsü atema ad-hoc panel ka tentetja liasü.

Sanjay Singh tekolak sür tentetba lokti tentet tasenba-a ministry-i suspend sütsüogo. Ajisüaka UWW-i nongita yaria WFI-i trails ayongzüka agidar.

Temetetsü kaji sorkari WFI inyakyim nung indang indanga shilem magitetsü, ajita mesüra UWW-i suspend sütsütsü aser India nung wrestler tem asayamung tongtibangtem nung India tenüng nungi masayatetsü.

Ind vs Eng: Test 5buba nung KL Rahul masayatsü



New Delhi, Tsüklai/February 29

(Agencies): India nung middle order batsman KL Rahul, shiba yirur aliba ajanga England den tatembangbuba Test nung asayatsü masayatsü mejangja liasü pa tang iba Test nung masayatetsü ta jangjaogo.

India aser England na tsüngda tatembangbuba aser Test pongububa Dharamsala nung asayatsü.

Indian cricket board (BCCI)-i sangdong ka ajanga ashiba agi, medical team-i pa temang kanga kümdanga anepaludar aser iba den London nung aliba specialists tem den ken o ashishitepa inyaksangshidar.

Kasa sangdong ajanga ashiba agi, India nung pace bowler Jasprit Bumrah, shiba Ranchi nung asayaba Test pezübuba nung masayadaksü anisüngzükdaksüogo, pa Dharamsala nung asayatsü aliba test pongububa nungbo asayatsü.

Maneni Washington Sundar iba asaya atema meshim aser

pa Ranji Trophy nung Tamil Nadu team nung oa adentsü, shirnok Mumbai den March ananü nungi tenzüka Ranji Trophy semi-final asayatsü lir. Nüngdaka dang süra pa domestic asaya tembangba sülen India team nung arua adentsü.

BCCI sangdong ajanga ashiba agi, pacer Mohammed Shami tetsüng tachichilen tenüklang nung tebilemtsü aliba February 26 nü takok ngua surgery agiogo aser pa yakta rehabilitation tenzüksü atema Bengaluru nung National Cricket Academy (NCA)-i aotsü.

Test pongububa atema India team:

Rohit Sharma (C), Jasprit Bumrah (VC), Yashasvi Jaiswal, Shubman Gill, Rajat Patidar, Sarfaraz Khan, Dhruv Jurel (WK), KS Bharat (WK), Devdutt Padikkal, R Ashwin, Ravindra Jadeja, Axar Patel, Kuldeep Yadav, Mohammed Siraj, Mukesh Kumar, Akash Deep.

2026 Asian Games nung cricket asayatsü asadanger

Tsüklai/February 29, 2024

(Agencies): Olympic Council of Asia (OCA)-i Japan nung 2026 Asian Games nung cricket asayanür aser iba atema Nagoya nung baseball stadium ka nung cricket asayatsü atema asadanger.

Cricket administrators temi Asian Games amala asaya aika asayaba asayamung ya cricket asaya ajungketytsü atema maongka tajung ka ta bilemer, koba küm 128 lir Los Angeles nung 2028 Olympics ayongzüka asayaba mapang asayatsü renema lir.

Cricket asaya ya China nung taoba küm Hangzhou Games

nungbo asayaogo, saka 2018 küm Indonesia kübok Jakarta aser Palembang nung asayaba mapangbo masaya.

"2026 Games atema iba sports programme dak sendakba nung maneni inyaktepdar, saka onoki iba asayamung nung cricket dena asayadaksüner," ta OCA acting president Randhir Singh-i Reuters dang ashi.

Ajisüaka Japan nung facility maliba ajanga tetsükdaksü adoker.

Japan Cricket Association (JCA)-i, Tokyo north len Tochigi prefecture nung international stadium ka agütsüogo, saka

OCA-i Aichi prefecture yimtiba Nagoya kong iba asayamung asayatsü lir iba yimti nung mesüra iba temeket nung ang facility ka aginer.

Tochigi stadium ya Nagoya nungi ghonda asem sür tesadang orr-ang lir, ta OCA Deputy Director General Vinod Kumar Tiwari-i ashi, shiba taoba ita OCA coordination committee ka den Japan semdangogo.

"Iba dak sendakba nung onoki Asian Cricket Council den inyaktepdar," ta Tiwari-i ashi.

2026 Games atema April ita OCA General Assembly nungang tembanga jembishinütsü.

Ashwin-i Kumble indang record menepogo



Tsüklai/February 29, 2024

(Agencies): India nung spinner Ravichandran Ashwin-i India nung rongnungi Anil Kumble-i Test asaya nung asaya ka nung wicket pongungu timbaben agir aliba menepogo.

Pai iba alizüng ya Ranchi nung England den Test asaya pezübuba nung tongteta liasü.

Iba asaya tanabuba innings nung Ashwin-i kanga junga

asaya over 15.5 nung run 51 agütsür wicket 5 agia liasü. Pai Ben Duckett, Ollie Pope, Joe Root, Ben Foakes, aser James Anderson nung out sütsü.

Ashwin aser Kumble napronglai wicket pongungu 35 benben agir lir. Maneni tena alima nung iba alizüng tongtetertem rongnung jenjang pezübuba nung lir, kong Sri Lanka nung asayar

Muttiah Muralitharan temaba jenjang nung lir. Pai wicket pongungu ya Test 133 nung 67 ben agir lir.

Iba alizüng tongtetertem rongnung Australia nung asayar Shane Warne (Test 145 nung 37 ben) tanabuba aser New Zealand nung Richard Hadlee (Test 86 nung 36) tasembuba jenjang nung lir.

Test pezübuba nung asaya akoktsü atema India team-i run 192 nüngdaker aser anogo pezübuba tembangba tashi nung India team-i asayar ka danga out mesüi run 40 yanglur lir. Parnok rongnungi Rohit Sharma (24*) aser Yashasvi Jaiswal (16*) na out mesüi mender.

Tanabuba innings nung India nung spinner temi wicket 10 prongla agi liasü, kong Kuldeep Yadav-ia run 22 agütsür wicket 4 agiba densema lir.

BENDANGLI OSANG : Tapak 7 nungi...

Pakistan nung assembly züngsem tasentem...

Khan chiochtsü asoshi ozü party-i lenmang bushitsü, ta SIC nungi Khan-i ato kilonser inyadaksütsü shimsang Omar Ayub-i ashi.

Ato kilonser atema election ya March 4 nü agitsü ta osang kar ajanga ashir.

Hopta tetenzüklen Khan bhukumer temi sorkar kumtetsü aliba Khyber-Pakhtunkhwa provincial assembly mezüng sentepdang visitor galleries nungi pen aser slippers agi aonba sülen Islamabad nung National Assembly senden nung security tesashi yoka liasü.

Security mechi upper galleries atema visitor passes mamshi ta National Assembly indang media wing nungi sangdong ka ajanga ashi.

Züngsem 336 aliba house nung züngsem ajakbo

tenangzükba magi, kechiaser tetsür aser minorities asoshi wazüka yutsüba menden 70 atema Election Commission of Pakistan (ECP) nungi obendang magütsü lir.

Commission ajanga SIC nem wazüka aliba menden tem lemzüksütsü asoshi telemtetba agitsü, shirnoki election nung menden kata nunga takok mangu saka Khan-i yariba candidate tem den oa aden, shirnok independents ama toktepa liasü. ECP ajanga iba ken o Bodhbarnü tembanga angaogo saka obendang magütsüi lir.

Electoral laws nung aibelenba atema Khan'er party ya election nung shilem magidaksü aser independent candidates tem wazüka aliba menden nung amentsü metemsü.

BILEMDANGANG
"Memerangdangra nai kechi inyaktetsü aji mejangjatsü."